



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ascensus Moysis in montem Seu De Oratione Tractatus Tribus Stationibus ac vijs Purgatiua Illuminatiua Vnitiua distinctus

Crombecius, Johannes

Avdomari, 1618

2. De significatione quadraginta dierum, quibus Moyses cibo caruit.

urn:nbn:de:hbz:466:1-38133

tabant, queque futurorum figura existebant; partim quæ de venturo Messia prænuntiavit; ut omnia faceret secundum exemplar, quod ei in monte monstratum erat. Infinita sunt verò quæ ad regimen populi, ceremonias, tabernaculi & omnium quæ in eo continentur structurâ spectabant; nempe omnia quæ in exodo, Deteronomio, in libris sequentibus Moyfis & longè plura, quæ post Moyfis mortem contigerunt. Hæc aut similia vt summi momenti detinuerunt Moysem, cum Domino quadraginta diebus, & quadraginta noctibus.

SECTIO SECVNDA.

De significatione quadraginta dierum, quibus Moy- ses cibo caruit.

I. **D**Vo tota hac celebri figura obser- vari hætenus potuerunt. Vnum, quanta sit dignitas, atque eminentia orationis, cum eximia utilitate coniuncta: alterum, eidem orationi annexum esse oportere inseparabiliter, ieiunium nempe, aut certè sobrietatis laudem singularem. Quâ de re initio vt cumque tractauimus. Hic verò quia Moy- ses, quadraginta diebus cum Deo in otio admodum negotioso versatus est, totidem sanè ieiunavit, atque adeo vt ne guttam quidem aquæ delibavit; quo quisque intelligat, abstinentiam, ita cõiunctam esse debere ora-

Duo nota
tari hoc
tractatu,
Oratio-
nis digni-
tatem.
Comitè
orationis
abstinen-
tiam.

E c 2

tioni

tionem, ut hæc, ab illa separari nullo modo possit. Cumque Ecclesia tempus nobis opportunum semel in anno prescribat; cum seipso orandi ac cum Deo res salutis nostræ pertractandi; ac dominica mysteria commentandi; tum certe etiam eadem totidem diebus ieiunij obligationem inducit. Unde opportune hæc nostra figura, epistolæ loco, prima celebrioris inedia septimana, sacro decantatur. Ut sicut Moyses quadraginta diebus, & quadraginta noctibus ab omni cibo abstinuit; ita & nos, non quidem sine omni alimento, sed sine delicatioribus epulis, carnibus nempe, & quæ ab illis proveniunt, una refectioe contenti, idem tempus quadraginta dierum decurramus. Est enim ieiunium dispositio non vulgaris ad mentis elevationem, quæ in oratione summopere requiritur. Deprimit certe quam maximè, sublevantem scilicet spiritum, ventris repletio, ac deliciarum copia, citiusque somnum provocat, quàm mentem in superna rapiat ac sustollat.

2 In quo sanctitatem Ecclesiæ catholicæ agnoscimus, quæ hoc sacrosanctum institutum Spiritus sancti lumine atque instinctu, & olim induxit, & observari ad hæc usque tempora severissimè curavit. Nos patrum exempla sequimur; ut filij matris nostræ, parentum vestigia legimus, iamque imitandi Servatoris nostri exempla, tamquam hæredes vitæ

tutæ

uturum eius, in possessionem venimus, eaque
pacifice fruimur.

SECTIO TERTIA.

*Ieiunij solemniss quadraginta dierum, anti-
quitas, & obligatio.*

3. **P**raeter illam modo dictam possessio-
nem, post hominum memoriam
conservatam, veritatem hanc probare statuo
temporum lapsibus iam inde ad tempora A-
postolorum, qui Spiritu S. auctore, verbo, scrip-
tis, exemplo huic sanctissimo instituto iniura
dederunt. In concilio Toletano octavo, ita
severè Patres illi quadragesimam observan-
dam esse decernunt, ut ijs & corporis Domi-
ni communionem in paschate negent, &
toto anno carniurum usum interdiciant, qui abs-
que necessitate quadragesimam violare ausi
sunt; quæ verò talis sit necessitas, non homi-
nes quocumque, sed solos Domini Sacerdo-
tes dijudicare voluerunt.

4. Pergo ulterius. In Concilio Laodiceno *Serm. 9.*
ante annos mille duccenos celebrato, frequen- *de qua-*
tissima mentio est quadragesimæ. Divus Leo *dragesi-*
ut ceteros omittamus sui temporis, quadra- *ma*
gesimæ ieiunium, ab ipsis Apostolis institutum *Epist.*
atque ordinatum fuisse luculenter docet. Be- *119,*
atus Augustinus quadragesimæ observationem
ab ipsis divinis literis, & veteris & novi

EE 3

tes